



**ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ
ՀԱՆՁՆԱԺՈՂՈՎ**

Թիվ ՎԻՎ/22/2019

ՈՐՈՇՈՒՄ

ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

ք. Երևան

31 մայիսի 2019թ.

Բարձրաստիճան պաշտոնատար անձանց էթիկայի հանձնաժողովը, հետևյալ կազմով՝ Ա. Խուդավերդյան, Ա. Սարգսյան, Լ. Պետրոսյան, Է. Շաթիրյան (այսուհետ՝ Հանձնաժողով), նախագահությամբ՝ Ա. Սարգսյանի, քարտուղարությամբ՝ Է. Շաթիրյանի,

2019 թվականի մայիսի 31-ին քննելով ՀՀ քննչական կոմիտեի Արարատի մարզային քննչական վարչության քննիչ Արկադի Յուրիի Օսիպյանի կողմից Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգրք) 169.28-րդ հոդվածի 1-ին մասով (հայտարարատու պաշտոնատար անձի կողմից «Հանրային ծառայության մասին» ՀՀ օրենքով (այսուհետ՝ Օրենք) նախատեսված հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» ՀՀ օրենքով սահմանված ժամկետում չներկայացնելը) նախատեսված առերևույթ վարչական իրավախախտում կատարելու հատկանիշներով հարուցված գործը՝

ՊԱՐԶԵՑ

1. Վարչական իրավախախտման վերաբերյալ գործի վարույթի նախապատմությունը.

1. Հանձնաժողովն, իրականացնելով «Հանրային ծառայության մասին» ՀՀ օրենքի (այսուհետ նաև՝ Օրենք) 43-րդ և 43.1-ին հոդվածներով իրեն վերապահված գործառնությունները, Էլեկտրոնային հայտարարագրերի ռեեստրի տվյալների ուսումնասիրության արդյունքներով պարզել է, որ Արկադի Յուրիի Օսիպյանի պաշտոնական պարտականությունները ստանձնելու կամ դադարեցնելու օրվա դրությամբ առկա գույքի, եկամուտների և փոխկապակցված

հայտարարագիրը (այսուհետ նաև՝ Հայտարարագիր) հանձնված և հրապարակված հայտարարագրերի ցանկում առկա չէ:

2. Արկադի Յուրիի Օսիայանի պաշտոնեական պարտականությունները դադարեցվել են 12.11.2018թ.: Սակայն վերջինս «Հանրային ծառայության մասին» ՀՀ օրենքի 33-րդ հոդվածով սահմանված 30 օրվա ընթացքում Հանձնաժողով չի ներկայացրել պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը:

3. Վերոնշյալի առնչությամբ 2019 թվականի մայիսի 16-ին կազմվել է թիվ Հ/22/2019 արձանագրությունը՝ Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով նախատեսված առերևույթ իրավախախտման հատկանիշներով:

4. Հանձնաժողովի 16.05.2019 թվականի որոշմամբ հարուցվել է վարչական իրավախախտման վերաբերյալ թիվ ՎԻՎ/22/2019 գործի վարույթը և նշանակվել է վարչական իրավախախտման վերաբերյալ գործի քննություն:

5. 27.05.2019թ. նշանակված վարչական գործի քննությանը ներկայացել էր Արկադի Յուրիի Օսիայանը:

6. 27.05.2019թ. գործի քննությունը Ա. Օսիայանի միջնորդության հիման վրա հետաձգվել է 31.05.2019թ. ժամը 16:30:

7. 31.05.2019թ. նշանակված գործի քննությանը պատշաճ ծանուցված Արկադի Յուրիի Օսիայանը չէր ներկայացել:

8. Հանձնաժողովը իր արձանագրային որոշմամբ որոշեց գործի քննությունը շարունակել պատշաճ կարգով ծանուցված Արկադի Յուրիի Օսիայանի բացակայությամբ:

II. Արկադի Յուրիի Օսիայանի բացատրությունը.

9. Արկադի Յուրիի Օսիայանը 27.05.2019թ. նշանակված վարչական գործի քննության ընթացքում հայտնել է, որ վիճարկել է ՀՀ քննչական կոմիտեի 12.11.2018 թվականի թիվ 914 Ա հրամանը: 29.05.2019թ. Ա. Օսիայանը էլեկտրոնային եղանակով ներկայացրել է ՀՀ քննչական կոմիտեի դեմ ներկայացված հրամանն անվավեր ճանաչելու, աշխատանքում վերականգնելու, հարկադիր պարապուրդի գումարը բռնագանձելու պահանջների մասին հայցադիմումը (չստորագրված) և Դատալեքս տեղեկատվական կայքից հրապարակված 06.05.2019թ. թիվ ԵԴ/29679/02/18 վճռի օրինակը:

III. Գործի քննության ընթացքում հաստատված հանգամանքները.

10. Հանձնաժողովն, ուսումնասիրելով և վերլուծելով թիվ ՎԻՎ/22/2019 գործում առկա նյութերը, կատարելով գործի հանգամանքների քննություն, հաստատված է համարում, որ Արկադի Յուրիի Օսիայանի պաշտոնեական պարտականությունները դադարեցվել են 12.11.2018թ., սակայն վերջինս «Հանրային ծառայության մասին» ՀՀ օրենքի 33-րդ հոդվածով սահմանված ժամկետում Հանձնաժողով չի ներկայացրել պաշտոնեական պարտականությունները

դադարեցնելու օրվա դրությամբ գույքի, եկամուտների և փոխկապակցված անձանց հայտարարագիրը:

IV. Որոշումն ընդունելու իրավական հիմքերը.

11. Արկադի Յուրիի Օսիպյանն Օրենքի 32-րդ հոդվածի ուժով հանդիսանում է գույքի, եկամուտների և փոխկապակցված անձանց մասին հայտարարագիր ներկայացնելու պարտականություն ունեցող անձ:

12. Օրենքի 33-րդ հոդվածի 1-ին մասի համաձայն՝ հայտարարատու պաշտոնատար անձինք պաշտոնական պարտականությունները ստանձնելու կամ դադարեցնելու օրվա դրությամբ հայտարարագրերը այդ օրերին հաջորդող 30 օրվա ընթացքում ներկայացնում են Հանձնաժողով:

13. Օրենքի 32-րդ հոդվածի 6-րդ մասի համաձայն՝ հայտարարատու պաշտոնատար անձի կողմից հայտարարագրերը Օրենքով սահմանված ժամկետների պահպանմամբ Հանձնաժողով չներկայացնելն առաջացնում է օրենքով նախատեսված պատասխանատվություն:

14. Օրենքի 43-րդ հոդվածի 1-ին մասի 7-րդ կետի համաձայն՝ Հանձնաժողովի գործառույթներից է հայտարարատու պաշտոնատար անձի կողմից Օրենքով նախատեսված հայտարարագրերը Հանձնաժողով օրենքով սահմանված ժամկետներում չներկայացվելու դեպքում օրենսդրությամբ սահմանված կարգով վարչական իրավախախտումների վերաբերյալ գործեր քննելը և վարչական տույժեր նշանակելը:

15. Օրենսգրքի 169.28-րդ հոդվածի 1-ին մասի համաձայն՝ հայտարարատու պաշտոնատար անձի կողմից Օրենքով նախատեսված հայտարարագիրը Հանձնաժողով Օրենքով սահմանված ժամկետներում չներկայացնելը առաջացնում է նախազգուշացում:

16. Օրենսգրքի 244.17-րդ հոդվածի համաձայն՝ Օրենսգրքի 169.28-րդ հոդվածով նախատեսված վարչական իրավախախտումների վերաբերյալ գործերը քննում և վարչական տույժեր է նշանակում Հանձնաժողովը:

Ելնելով վերոգրյալից և ղեկավարվելով «Հանրային ծառայության մասին» Հայաստանի Հանրապետության օրենքի 32-րդ հոդվածի 6-րդ մասով, 43-րդ հոդվածի 1-ին մասի 7-րդ կետով, Վարչական իրավախախտումների վերաբերյալ Հայաստանի Հանրապետության օրենսգրքի 23-րդ հոդվածի 1-ին մասով, 25-րդ հոդվածով, 37-րդ հոդվածի 7-րդ մասով, 169.28-րդ հոդվածի 1-ին մասով, 244.17-րդ հոդվածով՝

Բարձրաստիճան պաշտոնատար անձանց էթիկայի հանձնաժողովը որոշեց.

1. Արկադի Յուրիի Օսիպյանի կողմից պաշտոնական պարտականությունները ստանձնելու կամ դադարեցնելու օրվա դրությամբ առկա գույքի, եկամուտների և փոխկապակցված հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» Հայաստանի Հանրապետության օրենքով սահմանված ժամկետում

չներկայացնելու համար Արկադի Յուրիի Օսիպյանի նկատմամբ կիրառել «նախազգուշացում» վարչական տույժը:


2. Վարչական իրավախախտումների վերաբերյալ Հայաստանի Հանրապետության օրենսգրքի 40-րդ հոդվածին համապատասխան՝ վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որի չկատարելու համար նշանակվել էր վարչական տույժ:

3. Արկադի Յուրիի Օսիպյանին տեղեկացնել, որ Վարչական իրավախախտումների վերաբերյալ Հայաստանի Հանրապետության օրենսգրքի 169.28-րդ հոդվածի 2-րդ մասին համապատասխան՝ վերոնշյալ վարչական տույժի կիրառումից հետո՝ 30 օրվա ընթացքում, հայտարարագիրը չներկայացնելը առաջացնում է տուգանքի նշանակում՝ սահմանված նվազագույն աշխատավարձի **երկուհարյուրապատիկի չափով:**

4. Սույն որոշումն ուժի մեջ է մտնում Արկադի Յուրիի Օսիպյանին այն սահմանված կարգով հանձնելու (հանձնված համարվելու) հաջորդող օրվանից:

5. Սույն որոշումը կարող է բողոքարկվել ՀՀ օրենսդրությամբ սահմանված կարգով և ժամկետում:


Հանձնաժողովի անդամներ՝



Ա. Խուդավերդյան



Ա. Սարգսյան



Լ. Պետրոսյան



Է. Շաթիրյան